



Bentiaraq Ottosen
Atassut

UKA 2023/71
25. oktober 2023

Misigissutsikkut ikiugasuartarnej pillugu apeqquteqaat aallaavigalugu oqallinnissamik siunnersuut

(Inatsisartuni ilaasortaq Doris J. Jensen, Siumut)

Inuit napparsimalersimasut aamma ikiorneqaqqissinnaanatik nappaassuarmik eqqugaasimasut, ilaquutaasullu qanimut ikiorasuarneqartarnissaat pisariaqarluinnarpoq. Tassani pingaaruteqarmat ilaquutaasoq napparsimasorlu paaseqatigiilluarnissaat, taamaattumik ikiorasuarneqarnissaat pisariaqarluinnarluni. Taamatut aamma oqaatigineqarsinnaavoq napparsimasup ilaquutaasalu avatangiiseq allarlunarmiillutik annikilliorlutilluuniit pilersinnaanerit ersersinnaammat.

Oqallinnissamik siunnersuutigineqartoq isumaqatiginarluinnartuuvoq, tassami inuit attaveqatigiittarfiini ukiuni kingullerni takussaaleralluttuinnarpoq aningaasatigut ikiorserneqarnissat, allaallumi inigisaq tamaat, angallatit, inuit pigisaat nalituut akigisariaqarlugit ilaquutaasut napparsimasoq najoriartorlugu aallartarput, suliffitsik akigalugu allaat najuuttariaqartarlutik. Tamakkua misigissutsikkut eqqarsartaatitigullu aamma artornartorujussuarmik kinguneqarsinnaasarput, tamakkulu manna annikkaanni pisariaqavissortumik politikikkut qalipaasersugassaaneq ajorput. Taamaattumik oqallinneq una pingaaruteqarluinnartuuvoq, inuup inuunera eqqartorneqarmat.

Ilaqutariit taakkuupput ikiugasuarneqartussat, inuup piumanngisaanik nappaassuarmik eqqugaalluni ilungersorfianni saniatigut artukkerneqanngisaanartussat. Nukissamik tunineqartariaqartut taavalu professionalimik ikiorserneqartussaasut, uani inuup inuunera eqqartorneqarpoq tamannalu pisariaqarluinnarpoq eqqartorneqarnissaa maani inersuarmi, tamatta ataatsimoorfigissagipput.

Tarnikkut ikiugasuartarnej eqqartorneqartillugu pisariaqarluinnartuuvoq aamma sinaakkutit pitsaasut atorneqarnissaat, uani pineqarsinnaavoq soorlu nunatta avataani katsorsartikkiartornermi nappaat pillugu ikiorserneqarsinnaajunnaarnermi tamakkua sinaakkusersorneqarnissaat pitsaasumik anguneqarnissaa. Iisimalluarparput inuit attaveqatigiittarfiatigut saqqummiunneqartartut, qanoq ilaqutariit, inoqutigiit sakkortuumik misigissutsikkut tarnikkullu eqqorneqartartigisut. Taamaattumik uanga annertuumik oqaloqataanissarput pingaartutut isigaarput.

Taamatut naatsumik oqaaseqarluta, oqallinneq pitsaasumik kinguneqarnissaa kissaallugu oqalliseqataanitsinnik qujavugut.